

持呪仙人飛鉢儀軌

【大興善寺沙門 不空 譯出】

大阿闍梨云：若有善男子、善女人，欲清淨修行飛轉應器以作佛事者，先擇深山幽谷，空氣清新，柔草遍地，奇禽異獸之所鳩集，往昔仙人賢聖之所住處，幽遠清淨，與人隔絕，猶如避世。當先取粳米一斗，可耐吃百日，安住高山雲峯，若地形如覆鉢，或如仰鉢，或幽巖之內，無人跡處，皆堪選用。先四十九日齋戒，次一日斷食，次三日斷食，次食米日一合，待粳米盡即清淨作法，持誦金剛阿闍黎所傳八大龍王真言，隨力持誦，不得懈怠，日夜誦咒呼召八大龍王，所謂：難陀龍王【nanda-nāga-rāja】、鄔拔難陀龍王【upananda-nāga-rāja】、娑竭囉龍王【sāgara-nāga-rāja】、和修吉龍王【vāsuki-nāga-rāja】德叉迦龍王【takṣaka-nāga-rāja】、阿那哇達多龍王【anavatapta-nāga-rāja】、摩那斯龍王【manasvin-nāga-rāja】、優鉢攞迦龍王【ut-palaka-nāga-rāja】。是八大龍王，為持呪仙人之所乘也，隨成就此法行者驅使，能以其鉢飛至三千大千世界，隨行者念於一瞬間飛至欲界六天、色界十八天、無色界四空處，乃至他方無邊世界須臾往還，或至大自在天、大梵天、帝釋天王前，及大轉輪王、小輪王、十六國王、五千小國，歷經諸王宮殿、后妃、王子、公主、大臣、百官、諸臣之家等，隨行者之所欲行，神通往來，現大神變，降伏邪見眾生，如是自在神力，皆是龍王之威力也，是故應一心護持，心勿懈怠。我今說其真言：

曩莫三漫多母馱(引)喃(引)難徒(引)鉢難道(引)娑(引)竭囉囉(引)修吉德叉迦阿那婆達多摩那斯優鉢攞迦那(引)伽囉(引)堅阿伽車(引)伽車娑囉(二合引)賀(引)

Namaḥ samanta buddhānāṃ. Nandopanandau sāgara vāsuki takṣaka anavatapta manasvin ut-palaka nāga-rajan ā-gaccha ā-gaccha svāhā.

當誦是真言滿三洛叉【三十萬】遍時，大海龍王、阿耨達龍王，及一切諸大龍王皆現人形來集行者苦行之處，叉手伏地，歸命頂禮，當於是時以鉢置地，七遍呪之，龍王即捧之飛行三千大千世界，天上地下乃至阿修羅宮取來仙藥，行者服之，命得千歲，從此以後，隨心現大自在神力，神通威德，一時具足，一切天人、龍王、魔王、人王，皆來歸依。若行者呪鉢時不速飛者，即誦催促真言曰：

曩莫三漫多母馱(引)喃(引)唵(引)阿瑟吒(二合)摩訶(引)那(引)伽囉(引)鑿緊旨(引)囉(引)也尸鉢(引)多囉(二合)惹(引)囉(引)儻(引)特鉢(二合)底也(二合)娑囉(二合引)賀(引)

Namaḥ samanta buddhānām. Om, aṣṭa mahā-nāga-rājan kiñ-jīra-
āyaśi, pātra jāva anūt-patya svāhā.

誦是真言，龍王即來，起大勇猛速疾力頂鉢飛馳，一念之間至十方界，隨緣度化。我今當說龍王印明：以左右二掌相合念誦，法速成就，心莫起疑，如是祕法，往昔大仙人常所執持，得大神力。若有人修行是法，正月、五月、九月，白月一日、八日、十四日、十五日，黑月二十三日、二十九日、三十日，清淨洗浴，著新淨衣，坐白茅上，堅固齋戒，不食一切五辛，不淨魚肉之類，不緣女境，遠離一切世間散亂煩惱，至清淨無人處作茅菴，獨處閑靜，唯食草葉水菓，石乳等類，日夜誦呪，未至三年，得遣空鉢。行者更莫別誦他呪，莫作攀緣，一心唯誦是呪，不辨別事，所得福報遍施眾生，廣作佛事，若起貪念而心慳捨，龍王即不隨行者，鉢即不得飛行，行者慎之，心莫起慳貪。

持咒仙人飛鉢儀軌

承久二年正月七日於無動寺，大乘院僧正首尾傳受了。道覺
文政五年壬午春三月以東叡山真如院藏本令書寫之，自午一校畢。龍肝

【經文資訊】卍新纂續藏經第 59 冊 No. 1048 持咒仙人飛鉢儀軌

【版本記錄】CBETA 電子佛典 Rev. 1.4, 完成日期: 2007/08/29

【編輯說明】本資料庫由中華電子佛典協會（CBETA）依卍新纂續藏經所編輯

【原始資料】CBETA 人工輸入，CBETA 掃瞄辨識

【其他事項】本資料庫可自由免費流通，詳細內容請參閱【[中華電子佛典協會版權宣告](#)】

公元二零一四年十一月二十日馬來西亞萬撓佛教會蔡文端重修正。

讀者如想知所念誦之陀羅尼可獲得的利益或修法，請參考密部大藏經。大藏經可在網上下載，其網址為：<http://www.cbeta.org/>

萬撓佛教會網址：<http://www.dharanipitaka.net>

注：有關咒語的讀音問題請安裝 Skype 軟件用免費互聯網電話聯繫，我的 Skype 名為：chua.boon.tuan